



Asunto: Notificación de resolución
Data:
Destinatario: Concello de Santa Comba Praza do Concello, 1 15841 Santa Comba A Coruña

Clave: DH.W15.65342

Expediente: Autorización de obras definidas no proxecto titulado "*Mejora de pavimentación y señalización de vial de comunicación entre los lugares de Truebe y A Pereira*", de decembro de 2018, na zona de policía y sobre o leito do río Xallas, no t.m. de Santa Comba, (A Coruña).

Solicitante: Concello de Santa Comba

Asunto: Resolución

Pola presente, notifícaselle a Resolución da Dirección de Augas de Galicia, que literalmente di:

Antecedentes

1. Con data 12/12/2018, o Concello de Santa Comba, con NIF P1507800I, presentou a solicitude de autorización referida no encabezamento.
2. Con data 21/01/2019 o enxeñeiro do Servizo Territorial de Augas de Galicia emitiu informe favorable ó solicitado.
3. Con data 21/01/2019 o xefe do servizo territorial emite proposta de resolución Favorable

Fundamentos de dereito

Primeiro.- Competencia para resolver

- Lei 9/2010, de 4 de novembro, de Augas de Galicia
- Decreto 32/2012 do 12 de xaneiro, polo que se aproba o Estatuto de Augas de Galicia.

Segundo.- Lexislación aplicable:

- Lei 39/2015, do 1 de outubro, do Procedemento administrativo común das administracións públicas





- Texto refundido da Lei de augas, aprobado por Real decreto legislativo 1/2001, do 20 de xullo (TRLA)
- Regulamento do dominio público hidráulico, aprobado polo Real decreto 849/1986, do 11 de abril (RDPH)

Terceiro.- Artigos de aplicación específica:

- TRLA: artigo 2 (definición de dominio público hidráulico), artigo 6 (zonas de afección nas marxes)
- RDPH: artigo 78 (execución de obras na zona de policía de leitos), artigo 53 (tramitación das solicitudes de autorización de obras)

Visto o exposto, a Subdirección Xeral de Xestión do Dominio Público Hidráulico, de conformidade co establecido no artigo 19 do Decreto 32/2012, do 12 de xaneiro, polo que se aproba o Estatuto de Augas de Galicia, eleva á Dirección de Augas de Galicia a proposta de resolución de data 21/01/2019 relativa a:

Autorización ó Concello de Santa Comba, con NIF P1507800I, das obras definidas no proxecto titulado "*Mejora de pavimentación y señalización de vial de comunicación entre los lugares de Truebe y A Pereira*", de decembro de 2018, na zona de policía y sobre o leito do río Xallas, no t.m. de Santa Comba, (A Coruña).

Esta autorización axustarase ao disposto pola Lei de augas e o Regulamento do dominio público hidráulico, ademais do cumprimento das seguintes **condicións**:

Xerais

1. As obras que se autorizan son as que se definen na documentación técnica que consta no expediente da clave referida, en canto non resulten modificadas polas presentes condicións.
2. Outórgase esta autorización sen prexuízo de terceiro e salvando o dereito de propiedade, coa obriga de executar as obras conservando as servidumes legais existentes.
3. Toda modificación das características da presente autorización requirirá a previa aprobación de Augas de Galicia.
4. A inspección e vixilancia das obras, tanto durante a súa construción como no período de explotación, estarán a cargo de Augas de Galicia, sendo por conta do beneficiario as remuneracións e gastos que por ditos conceptos se orixinen, segundo as disposicións vixentes.
5. Esta autorización queda suxeita ás disposicións vixentes, ou que no sucesivo se diten, relativas a contratos e accidentes de traballo e demais de carácter social, así como en xeral ao cumprimento das disposicións vixentes en materia de pesca fluvial e ás prescricións específicas que lle sinale o ente competente en materia de calidade medio-ambiental, ante o que responderá do seu cumprimento.
6. O titular da autorización será responsable de cantos danos e perdas poidan ocasionarse a intereses públicos ou privados como consecuencia das obras que se autorizan, quedando





obrigado á súa indemnización e a realizar os traballos que a administración lle ordene para a extracción dos cascallos vertidos ó leito durante a execución das mencionadas obras. Será tamén responsable da conservación en bo estado das obras e instalacións que se autorizan.

7. Esta autorización poderá ser revogada polo incumprimento de calquera das súas condicións e nos casos previstos nas leis, declarándose a revogación por resolución motivada de Augas de Galicia, quen poderá adoptar as medidas que considere necesarias para garantir as condicións normais de desague e o respecto ás servidumes legais.
8. Esta autorización é independente de todas aquelas que, en virtude das disposicións legais vixentes, teñan que ser outorgadas por outros organismos ou administracións.

Particulares

1. As obras defínense no proxecto titulado "*Mejora de pavimentación y señalización de vial de comunicación entre los lugares de Truebe y A Pereira*", de decembro de 2018, na zona de policía y sobre o leito do río Xallas, no t.m. de Santa Comba, (A Coruña). Demolerase o pavimento de formigón existente e pavimentarase de novo mediante unha mistura bituminosa en quente de 6 cm de espesor, previa limpeza das cunetas, procedéndose posteriormente ao pintado do vial (liñas e símbolo de stop).
2. No caso de que coa execución das obras haxa ocupación provisional ou definitiva de parcelas alleas precisárase acordo cos seus titulares, estando en todo caso ao disposto na condición xeral 2ª.
3. Evitarase o toldamento das augas pola demolición de materiais ou operacións complementarias que teñan lugar nas proximidades do leito do río.
4. Prohíbese a corta ou destrución da vexetación arbustiva ou arbórea de ribeira, agás que conte con autorización específica para estes traballos.
5. Deixarase en todo momento expedita a zona de servidume para uso público, consistente nunha banda de 5 m de ancho, medidos a partir do bordo ocupado polas augas nas máximas enchentes ordinarias.
6. Durante a fase de construción extremáranse as precaucións coa retirada de todo tipo de cascallos e material de refugallo das marxes, co obxecto de reducir posibles alteracións na calidade da auga circulante ou na capacidade hidráulica da canle.
De xeito especial, prohíbese expresamente verter no propio leito do río restos de formigón, cemento ou produtos asfálticos, ou lavar materiais ou ferramenta que estiveran en contacto con eles, así como cambio de aceite de maquinaria de construción.
Non se depositarán na zona de servidume nin en lugares próximos ningún tipo de material que poida incorporarse ó río por escorrentas ou cheas.
Os residuos xerados durante a construción terán que ser trasladados a vertedoiro de residuos de construción autorizado.
7. Una vez rematadas as obras ou durante a súa execución, en todas aquelas zonas que dalgún xeito sufrisen unha degradación (tránsito de maquinaria pola zona de policía)





procederá a súa rehabilitación descontaminando a terra, se fora preciso, aportando terra vexetal, sementando, plantando, etc ata conseguir a súa situación primitiva.

8. O prazo para a realización das obras é de doce (12) meses contado a partir do día seguinte da recepción desta resolución. Finalizado este prazo extinguirase a validez da autorización, a non ser que se solicite e obteña unha prórroga antes do esgotamento do prazo.
9. Rematadas as obras, comunicaráse a Augas de Galicia, que procederá ao seu recoñecemento final nos casos en que considere oportuno.

Santiago de Compostela -subdirector xeral de Xestión do Dominio Público Hidráulico -
Roberto Arias Sánchez (Sinatura dixital)

De conformidade co artigo 15.3 da Lei 9/2010, do 4 de novembro de Augas de Galicia,
RESOLVO OUTORGAR a autorización á Concello de Santa Comba, co DNI P1507800I.

Contra esta resolución que non esgota a vía administrativa, poderá interpor recurso de alzada ante o presidente de Augas de Galicia no prazo DUN (1) MES a contar dende o día seguinte á súa notificación, de conformidade cos artigos 121 e 122 da Lei 39/2015, do 01 de outubro, do Procedemento Administrativo Común das Administracións Públicas

Santiago de Compostela, a directora de Augas de Galicia –Teresa María Gutiérrez López
(Sinatura dixital)

Os datos persoais que puidera conter este documento e/ou documento que se acompaña serán tratados de acordo coa Lei Orgánica 15/1999, do 13 de decembro, de Protección de Datos de Carácter Persoal e encóntranse recollidos nun ficheiro debidamente inscrito na AEPD, responsabilidade de Augas de Galicia, coa exclusiva finalidade da tramitación e xestión do presente procedemento. Só se procederá á cesión naqueles casos explicitamente considerados na lei.
Quedan recoñecidos os dereitos de acceso, rectificación, cancelación e oposición dos seus datos de carácter persoal, que poderán solicitar por escrito a Augas de Galicia, Praza Camilo Díaz Baliño 7-9, 15704 Santiago de Compostela ou mediante o envío dun correo electrónico a lopd.augas@xunta.gal.

